

Inissianik attartortitsisarneq pillugu Inatsisartut peqqussutaata nr. 2, 12. maj 2005-imeersup UPA 2017-mi allanngortinneqarnissaa pillugu Naalakkersuisut suliniuteqaqqullugit inatsisartut aalajangiiffigisassaattut siunnersuut. Taamaaliornikkut atorfirmut atatillugu inigisap sivikinnerpaamik ukiuni tallimani attartoreerneratigut attartortup nalinginnaasumik attartukkatut inigilersinnaaqullugu.

(Inatsisartuni ilaasortaq Anthon Frederiksen, Partii Naleraq)

Akissuteqaat

(Ineqarnermut, Sanaartornermut Attaveqaqatigiinnermullu Naalakkersuisoq)

Aappassanneerreqarnera

Naalakkersuisut sinnerlugit Sanaartornermut Ataatsimiititaliaq isumaliutissiissut saqqummiussaa pillugu qutsavigaara.

Isumaliutissiissut malillugu Sanaartornermut Ataatsimiititaliaq isumaqatigiissoq, matumunnga naapertuuttumik immikkoortup Inatsisartuni aappassanneerreqarnissaanut allannguutissatut siunnersuummik imaattumik saqqummiussivoq:

”Attartortut ukiuni kingullerni pingasuni suliffimmut atatillugu inigisami ineqarsimasut inip taassuma nalinginnaasumik attartortittakkatut tiginissaanut pisinnaatitaalersillugit Inissianik attartortitsisarneq pillugu Inatsisartut peqqussutaata nr. 2, 12. maj 2005-imeersup allanngortinnissaanut UPA 2017-imut siunnersuummik Naalakkersuisut saqqummiussequnissaannik Inatsisartut aalajangiiffigisassaattut siunnersuut.”

Naalakkersuisut allannguutissatut siunnersuummut akerliliiniangillat.

Kisiannili Naalakkersuisut erseqqissaatigissavaat, sulisunut inissianik pissarsiniartarneq ajornerulissammat, aammalu sulisunut inissiat, Namminersorlutik Oqartussanut attartortunullu nalinginnaasumik utaqqisunut allattorsimaffimmiittunut atugassiissutigineqartut ikilinissaat naatsorsuutigineqarsinnaammat.

Aalajangiiffigisassatut siunnersuutip Inatsisartunit suliarineqarnissaa aammalu ataatsimiititaliap allannguutissatut siunnersuutaa Naalakkersuisunit qilanaarinearput.